



DALVÍKURBYGGÐ

2017

Foreldrahandbók Krílakots



Ábyrgðarmaður: Guðrún Halldóra Jóhannesdóttir

Ritstjóri: Ágústa Kristín Bjarnadóttir

Myndir: Starfsfólk Krílakots

23. mars 2017

Efnisyfirlit

Efnisyfirlit	1
Velkomin í Krílakot	2
Saga Krílakots	2
Yfirstjórn og ráðgjöf	3
Sérfræðipjónusta og ráðgjöf.....	3
Lög um leikskóla	4
Að byrja í Krílakoti	4
Þátttökuaðlögun.....	5
Leikskólagjöld	5
Skóladagatal - upplýsingaflæði	6
Opnunartími og mætingar.....	6
Að heilsast og kveðjast	6
Hverjir sækja börnin	7
Breytingar á högum barnsins	7
Ökutæki og umferð kringum leikskólann	7
Foreldrasamtöl	7
Athuganir og mat á þroska og líðan barna	7
Fjölmennning í Krílakoti.....	8
Nemendavernd	8
Dagskipulag	9
Dvalarsamningur, breytingar á vistun og uppsagnir	10
Óhöpp og slys.....	10
Veikindi og frídagar	10
Fatnaður	10
Leikföng.....	11
Heilsuleikskóli – hollur matur, hreyfing og hvíld	12
Hefðir af ýmsu tagi	12
Samstarf við aðra skóla	14
Foreldraráð.....	14
Foreldrafélag	15
Heimasíða.....	16
Námfús.....	16

Velkomin í Krílakot

Um leið og við bjóðum barnið ykkar og ykkur velkomin í leikskólann, viljum við gefa ykkur upplýsingar um ýmis atriði sem tengd eru starfsemi leikskólans og nauðsynlegt er fyrir foreldra að vita.

Saga Krílakots

Upphaf leikskólastarfs á Dalvík má rekja allt aftur til ársins 1961 þegar Kvenfélagið Vaka kom á fót barnaleikvelli og bjóða uppá barnagæslu á sumrin. Auk Vöku og bæjarfélagsins kom Lionsklúbbur Dalvíkur að þeim framkvæmdum með fjárframlögum. Frá árinu 1975 (eftir því sem næst verður komist af bókunum frá þeim tíma) var starfræktur leikskóli í Gamla skólanum og síðar í Mímisbrunni (þá í eigu skátafélagsins). Fyrsti forstöðumaður leikskólans, þá dagheimilis, var Margrét Vallý Jóhannsdóttir.

Leikskólinn Krílakot tók til starfa í september 1980 í hluta af núverandi húsnæði, þar sem nú er inngangur og kaffistofa starfsfólks, skrifstofa leikskólastjóra, sérkennsluherbergi, fundaraðstaða og undirbúningsherbergi. Þar sem hvergi hefur fundist í gögnum neinn víxludagur leikskólans eða hvenær hann var formlega tekinn í notkun í núverandi húsnæði ákvað starfsfólk leikskólans haustið 1995 að afmæli leikskólans skyldi verða 9. september.

Árið 1987 var byggt við húsnæðið, sá partur sem nú hefur að geyma sal, eldhús, vörumóttöku, ræstingu, þvottahús og loft þar sem í dag er aðstaða fyrir undirbúning starfsfólks. Árið 2007 kom þriðja viðbyggingi en þá var byggð ein deild vestan við húsið ásamt bættri starfsmannaaðstöðu og stórri forstofu. Leiksvæðið var stækkað upp í 2.960 fm. eftir að við bættist trjálundur og lóð Móafells.

Árið 2016 var ár stórframkvæmda í sögu Krílakots og í raun sögu leikskóla í Dalvíkurbyggð. Byggt var við Krílakot til austurs, þá fjórar deildar og stór forstofa. Einnig voru gerðar miklar breytingar á eldra húsnæðinu, eldhús stækkað, skrifstofa skólastjóra varð að vörumóttöku og deildunum breytt í starfsmannaaðstöðu, fundarherbergi, sérkennslu- og undirbúningsherbergi. Einnig var bílastæði stækkað og gerðar endurbætur á lóðinni og steipt stétt í kringum skólann. Vígsla fór fram á Vináttukeðjunni þann 5. Ágúst 2016 þar sem ný kjörinn forseti Íslands og kona hans voru viðstödd. Sama ár lokaði leikskólinn Kátakot sem starfræktur var í Hólavegi 1. Þar voru starfræktar tvær deildar þar sem elstu tveir árgangar skólans höfðu stundað nám sitt frá árinu 2010 eða frá því Dalvíkurbyggð tók við rekstri skólans. Áður en Dalvíkurbyggð tók við rekstrinum var skólinn einkarekinn af hendi Helgu Snorradóttur og hét Fagrihvammur.

Yfirstjórn og ráðgjöf

Fræðsluráð Dalvíkurbyggðar fer með fræðslumálefni sveitarfélagsins í umboði sveitarstjórnar. Sviðsstjóri fræðslu og menningarsviðs er starfsmaður ráðsins og yfirmaður skólastjóra og kennsluráðgjafa. Fræðslusvið nær yfir málefni grunnskóla, leikskóla, tónlistarskóla, símenntunar og framhaldsskóla. Lög og reglugerðir, aðalnámskrá, skólastefna Dalvíkurbyggðar og skólanámskrár leggja grunn að hugmyndafræði, inntaki og skipulagi skólastarfsins. Á fræðsluskrifstofu starfa sviðsstjóri fræðslu- og menningarsviðs og kennsluráðgjafi. Hlutverk fræðsluskrifstofunnar er m.a. að fylgja eftir ákvörðunum fræðsluráðs, taka þátt í stefnumótunarvinnu með skólunum, sinna ytra eftirliti og stuðla að því að hver skóli nái hámarks árangri. Mikil áhersla er lögð á að fjármagn sé nýtt á skilvirkan hátt og fagmennska einkenni allt starf. Skrifstofan starfar að verkefnum sínum í samvinnu við skólastjórnendur, starfsfólk skólanna og fræðsluráð. Fagleg forysta í skólaþróun, ábyrgð á árangri og rekstri hvers skóla er í höndum skólastjóra.

Sérfræðipjónusta og ráðgjöf

Fræðsluskrifstofa veitir eða hefur milligöngu um kennsluráðgjöf, fjölmenningarráðgjöf, talmeiðipjónustu og sálfræðipjónustu. Starfsmenn fræðsluskrifstofu eru hluti af sérfræðipjónustu skóla og veita starfsfólki ráðgjöf og stuðning í ýmsum málum. Jafnframt er fræðsluskrifstofan með samning við félagssvið um að sinna vissum þáttum sérfræðipjónustu skóla, þá helst er snúa að þroskajálfun. Í skólunum starfa einnig sérfræðingar, s.s. sérkennarar, þroskajálfi, iðjupjálfi og náms- og starfsráðgjafi. Ýmist tekur fræðsluskrifstofa þátt í að skipuleggja sérfræðipjónustu skóla eða sérfræðingar skólanna sjá um skipulagningu hennar. Skólarnir sinna flestum frumgreiningum sjálfir sbr. *Stefnu grunnskóla Dalvíkurbyggðar um þjónustu nemenda með sérþarfir og Stefnu leikskóla Dalvíkurbyggðar í að mæta sértækum þörfum barna*. Fræðsluskrifstofan veitir öllum skólum faglega og rekstrarlega ráðgjöf ásamt aðstoð við úrlausn einstaklingsmála þegar þess er óskað. Markmið ráðgjafar er að gera skólastarf öflugra og starfsfólk sjálfstæðara við úrlausn viðfangsefna sem upp koma í daglegu starfi. Leitast er við að hafa margvísleg úrræði til að mæta sérþörfum nemenda. Aðgang að ráðgjafa og sérfræðipjónustunni hafa nemendur, starfsfólk skólanna og foreldrar.

Lög um leikskóla

Leikskólinn Krílakot starfar samkvæmt Lögum um leikskóla frá 2008. Í þeim segir m.a.: „...Leikskólinn er fyrsta skólastigið í skólakerfinu og er fyrir börn undir skólaskyldualdri. Leikskóli annast að ósk foreldra uppeldi, umönnun og menntun barna á leikskólaaldri...“.

- a. að fylgjast með og efla alhliða þroska barna í náinni samvinnu við foreldra,
- b. að veita skipulega málörvun og stuða að eðlilegri færni í íslensku,
- c. að hlúa að börnum andlega, vitsmunalega og líkanmlega í samræmi við þarfir hvers og eins svo að börnin fái notið bernsku sinnar,
- d. að stuðla að víðsýni barna og efla siðferðisvitund þeirra,
- e. að leggja grundvöll að því að börn verði sjálfstæðir, virkir og ábyrgir þátttakendur í lýðræðisþjóðfélagi sem er í örri og sífelldri þróun,
- f. að rækta hæfileika barna til tjáningar og sköpunar í þeim tilgangi m.a. að styrkja sjálfsmynd þeirra, heilbrigðisvitund, öryggi og hæfni til mannlegra samskipta.

Að byrja í Krílakoti

Það er mikilvægt að góð samvinna sé milli foreldra og starfsfólks strax við upphaf leikskólagöngu barnsins þar sem gagnkvæm samvinna og trúnaður þeirra á milli er forsenda þess að öllum líði vel. Daglegar upplýsingar um barnið heima og í leikskólanum eru nauðsynlegar því oft geta lítil atvik í lífi barnsins haft áhrif á hegðun þess og líðan.

Foreldrar/forráðamenn barna sem eru að byrja í Krílakoti eru boðaðir á kynningarfund áður en aðlögun hefst þar sem foreldrum er sýnt húsnæðið og farið er yfir markmið og leiðir skólans. Foreldrar fá eyðublöð til útfyllingar sem þeir skila inn þegar barnið byrjar í leikskólanum þar sem fram koma mikilvægar upplýsingar um barnið og fjölskyldu þess.

Góð samvinna og gagnkvæmur trúnaður foreldra og starfsfólks leikskóla er forsenda þessa að leikskóladvölin verði barninu árangursrík og ánægjuleg. Mikilvægur þáttur í þessari samvinnu er aðlögun þar sem lagður er hornsteinn að góðu samstarfi. Þegar barn byrjar í leikskóla er nauðsynlegt að hafa í huga þær breytingar sem það hefur í för með sér fyrir barnið. Það þarf að aðlagast nýju umhverfi, kynnast nýju fólki og þeim börnum sem fyrir eru, læra að vera í hópi, fara eftir reglum o.s.frv. sú leið sem við veljum að fara í aðlögunarferlinu er svo kölluð þátttökuaðlögun.

Pátttökuaðlögun

Í Krílakoti fer aðlögun fram með svokallaðri pátttökuaðlögun. Leikskólinn er samfélag þar sem fullorðnir og börn byggja upp þekkingu saman og er staður námstækifæra. Barnið tekur virkan þátt í að móta umhverfi sitt og þekkingu. Í þeim anda er pátttökuaðlögun. Hún byggist á því að ekki er verið að venja barnið við að vera skilið eftir í leikskólanum, heldur er það að læra að vera í nýjum aðstæðum. Pátttökuaðlögun byggir m.a. á þeirri trú að foreldrar yfirfæri eigin öryggiskennd og forvitni í þessum nýju aðstæðum, á börnin sín. Með því að foreldrar séu pátttakendur frá fyrsta degi öðlist þeir öryggi um dagskipulagið og það nám og starf sem fram fer í leikskólanum. Þeir kynnast kennurum öðrum börnum, foreldrum og starfinu í leikskólanum.

Foreldrar eru með börnunum í þrjá daga. Æskilegt er að aðeins annað foreldrið sé með í einu og geta foreldrar þá skipt með sér aðlöguninni.

Dagur 1. frá kl. 9.00 til 11.00.

Dagur 2. frá 8.00 - 15.00 /sé vistunartími styttri er komið seinna/farið fyrr heim.

Dagur 3. frá 8.00 - 15.00/sé vistunartími styttri er komið seinna/farið fyrr heim.

Foreldrarnir eru inni á deild með börnum allan tímann (nema þegar þau sofa). Foreldrar sinna börnum sínum, skipta á þeim, gefa þeim að borða, leika með þeim og eru til staðar. Kennararnir eru virkir pátttakendur í aðlöguninni, þeir skipuleggja daginn og deila út verkefnum. Á fjórða degi koma börnin um morguninn og kveðja foreldrana fljótlega. Einstaka ung börn þurfa lengri aðlögun en reynslan sýnir að þau eru fá og þau eldri eru oft öruggari. Komi upp vandamál er haft samband við foreldra. Við munum svo nýta tímann til að funda og spjalla saman meðan á aðlögun stendur. Ath Símar eru bannaðir á deildum og á útisvæði meðan á aðlögun stendur.

Þegar barn flyst milli deilda er það starfsfólk leikskólans sem sinnir þeirri aðlögun.

Foreldrar eru ávallt velkomnir í leikskólann til að taka þátt í því starfi sem þar fer fram í samráði við starfsfólk. Þeir eru síðan sérstaklega boðnir á foreldrafundi, uppákomur o.þ.h.

Leikskólagjöld

Leikskólagjöld eru fyrirframgreidd. Foreldrar fá sendan reikning í heimabanka en þeir sem óska geta fengið sendan greiðsluseðil. Eindagi er 20 hvers mánaðar Systkinaafsláttur er veittur af vistgjöldum og er þannig: Fyrir 2. barn er veittur 30% afsláttur og fyrir 3. barn er veittur 100% afsláttur.

Afsláttur er veittur til námsmanna og einstæðra foreldra og er þá veittur 30% afsláttur. Aldrei er veittur afsláttur ofan á afslátt. Dæmi: Einstæður námsmaður fær aðeins 30% afslátt - ekki 60%.

Leikskólagjald er ákveðið af bæjarráði að fenginni tillögu fræðsluráðs. Gjaldið er endurskoðað a.m.k. einu sinni á ári. Enginn afsláttur er gefinn af gjöldum þótt börn séu

fjarverandi um tíma, nema um langverandi fjarveru vegna veikinda sé að ræða (mánuð eða meira) og veikindavottorð afhent. Hægt er að semja um afslátt á fæði sé barn lengur en 2 vikur í burtu vegna orlofs eða veikinda en það þarf að láta leikskólastjóra vita með góðum fyrirvara. Samið er við Motus ef gjöld lenda í vanskilum. Þriggja mánaða vanskil þýða uppsögn á plássi. Óski foreldrar/forráðamenn eftir að breyta dvalartíma barns skal sækja um það til leikskólastjóra með að minnsta 15 daga fyrirvara.

Skóladagatal - upplýsingaflæði

Skóladagatal er að finna á heimasíðu leikskólans og einnig mánaðarskrár fyrir hverja deild. Óski foreldrar eftir er hægt að fá útprentað skóladagatal hjá deildarstjóra. Fréttabréf er gefið út í hverju mánuði og einnig eru sendir vikupóstar á foreldra allra barna. Upplýsingatafla er í forstofunni þar sem er að finna skóladagatal, mánaðarskrá og matseðil leikskólans auk þess sem tilkynningar eru hengdar upp til frekari áréttingar.

Það er mikilvægt að foreldrar skoði dagatalið og lesi þær upplýsingar sem skólinn sendir frá sér og hvetjum við foreldra til að senda fyrirspurnir ef eitthvað er óljóst.

Leikskólar í Dalvíkurbyggð halda þrjá skipulagsdaga og einn námskeiðsdag á hverju skólaári auk þess að eiga fjóra hálfra daga sem stundum eru settir saman ef það hentar betur en skóladagatal er unnið í samráði við Grunnskóla Dalvíkurbyggðar. Þessa daga er leikskólinn lokaður og eru m.a. notaðir til fræðslu fyrir starfsfólk, undirbúa uppeldisstarf leikskólans og að meta það starf sem unnið hefur verið.

Opnunartími og mætingar

Í Krílakoti er opið frá 7:30-16:15. Foreldrar eru beðnir um að virða þann vistunartíma sem þeir sömdu um í upphafi. Vegna dagskipulags og til að auka öryggiskennd barnanna er mikilvægt að barnið mæti reglulega í leikskólann.

Sá sem kemur með barnið í leikskólann skal ætíð láta starfsmann vita að barnið sé komið. Einnig skal láta vita þegar barnið er sótt og ef einhver annar á að sækja barnið.

Að heilsast og kveðjast

Við leggjum ríka áherslu á að bjóða góðan dag á morgnana þegar börn og foreldrar mæta í leikskólann og eins að kveðja í lok dags. Leikskólinn er þannig byggður að foreldrum ber að fylgja börnum sínum inn á deild þegar þau koma í leikskólann og sækja þau inn á deild eða á útisvæði þegar þau eru sótt. Barn telst ekki á ábyrgð leikskólans ef það er skilið eftir í fataherbergi eða á lóð skólans án þess að starfsmenn verði þess varir.

Hverjir sækja börnin

Þegar barn byrjar í leikskólanum skrá foreldrar hverjir mega sækja börnin í leikskólann þ.e. utan foreldra. Vinsamlegst látið starfsfólk leikskólans vita ef aðrir sækja barnið en venja er.

Breytingar á högum barnsins

Oft geta lítil atvik í lífi barns haft áhrif á líðan þess og hegðun. Það er því nauðsynlegt að láta vita ef einhverjar breytingar eiga sér stað. Stærri atvik eins og skilnaður foreldra, flutningar, nýir fjölskyldumeðlimir, veikindi og annað getur haft veruleg áhrif á líðan barns og þá er mikilvægt að heimili og skóli vinni saman í því að hjálpa barninu að vinna úr því. Góð samskipti og gott samstarf er grunnur að farsælli skólagöngu.

Ökutæki og umferð kringum leikskólann

Mikil umferð getur skapast í kringum leikskólann í upphafi og lok skóladags. Það er því mikilvægt að foreldrar síni varkárni og þolinmæði því stundum gæti þurft að bíða eftir stæði. Þegar ökumaður yfirgefur vélknúið ökutæki skal hann stöðva vél þess til að koma í veg fyrir loftmengun að öpörfu.

Samkvæmt lögum skal ökumaður sjá til þess að börn undir 15 ára séu í ákveðnum öryggis- og verndarbúnaði. Það kemur fyrir að börn eru laus í bílum þegar þau koma í leikskólann eða fara og hjálmlaus á hjólum.

Starfsmönnun ber að tilkynna til barnaverndar verði þeir vitni af vanrækslu og ef þeir telja öryggi og velferð barna sé ógnað

Foreldrasamtöl

Foreldrasamtöl eru á haustönn og vorönn. Í samtölum þessum er m.a. rætt um líðan barnsins í leikskólanum, þroska þessa og hvernig barningu gengur í hópatímum og félagslegum samskiptum. Foreldrar geta óskað eftir samtali á öðrum tímum, einnig geta kennarar boðað foreldra í samtal telji þeir þörf á.

Athuganir og mat á þroska og líðan barna

Til að meta þroska barna eru notaðar færniathuganir fyrir hvern aldurshóp. Börnum með framburðargalla hitta sérkennar en er vísað til talmeinafræðings ef þurfa þykir. Hafi kennari áhyggjur af hegðun eða atferli barns er rætt við foreldra og fengið samþykki fyrir frekari athugunum. Foreldrar þekkja börnin sín best. Foreldrar sem hafa áhyggjur af þroska, líðan eða hegðun barna sinna eru hvattir til að ræða strax við kennara.

Fjölmennning í Krílakoti

Í Krílakoti eru 28% barna sem tala fleiri en eitt tungumál og eru töluð 11 tungumál í skólanum. Öll börn sem eiga sér annað móðurmál en íslensku fara í málörvunartíma og er fylgst vel með málþroska þeirra sem og allra barna í leikskólanum. Túlkaþjónusta er öflug og er ávallt túlkur í foreldrasamtölum og oftast ef þörf þykir. Fjölmennning í starfsmannahópnum er um 21%. Við erum að vinna verkefni sem heitir LAP sem miðar að því að efla málþroska og tungumálakunnáttu barnanna. Tungumál barnanna eru sýnileg og blandast inn í verkefnavinnu að einhverju leyti í samvinnu við foreldra. Það er því aldrei að vita nema kennarar skólans byðji ykkur foreldra um aðstoð t.d. með því að koma með myndir að heima, kannski tónlist eða jafnvel koma og lesa á ykkar tungumáli fyrir börnin. Við hverjum líka forelra til að segja okkur frá menningu sinni og siðum og deila með okkur því sem er mikilvægt í lífi barnanna og hjá fjölskyldum þeirra.



Nemendavernd

Í hverjum leik-og grunnskóla í Dalvíkurbyggð starfar nemendaverndarráð. Meginverkefni þess er að vera skólastjórnendum ráðgefandi varðandi málefni einstakra barna og beiðnir um frekari sérfræðiþjónustu eða ráðgjöf. Einnig varðandi úrvinnslu eða skipulagningu sérkennslu/stuðnings eða beiðnum þar um frá greiningaraðilum svo og mat eða umfjöllun um sérkennslu/stuðningsþörf einstakra barna. Í nemendaverndarráði Krílakots sitja leikskólastjóri, fulltrúi félags-og skólaþjónustu, skólahjúkrunarfræðingur og deildarstjórar. Nemendaverndarráð fjallar um sérstök úrræði varðandi einstaka nemendur sem lögð eru fyrir ráðið. Ráðið metur hvaða viðbótarupplýsingar skuli kalla eftir, á vinnslustigi málsins og boðar á sinn fund foreldra/forráðamenn svo og aðra sem tengjast málinu, ef þörf krefur.

Dagskipulag

Dagskipulag er mismunandi eftir deildum og má finna dagskipulag fyrir hverja deild á heimasíðu leikskólans. Grunnurinn er þó mjög svipaður:

Skýjaborg - Sólkot - Mánakot

7:30-08:00 Leikskólinn opnar/frjáls leikur
8:00-8:30 Morgunverður
8:30-9:30 Hópatímar
9:30-10:00 Ávaxtastund og klæða sig til útiveru
10:00-11:00 Útikennsla/frjáls leikur
11:00-11:30 Koma inn og undirbúa fyrir matartíma
11:15/11:30-12:00 Matartími
12:00 - ? Hvíld/róleg stund
14:30 - 15:00 Kaffitími
15:00 - 16:15 Frjáls leiktími/útivera

Kátakot - Hólakot

7:30-08:00 Leikskólinn opnar/frjáls leikur
8:00-8:30 Morgunverður
8:30-8:45 Morgunfundur
8:45 - 10:00 Útikennsla /útivera/leikfimi
10:00-11:30 Hópatímar
12:00-12:30 Matartími
12:30 - 13:00 Hvíld/róleg stund
13:00 - 14:30 Frjáls leiktími
14:30 - 15:00 Kaffitími
15:00 - 16:15 Frjáls leiktími/útivera

Dvalarsamningur, breytingar á vistun og uppsagnir

Þegar barn byrjar í leikskólanum undirrita foreldrar dvalarsamning. Óski foreldrar eftir breytingu á þeim samningi verða þeir að gera það skriflega mað a.m.k. mánaðar fyrirvara. Miðað er við 1. eða 15. hvers mánaðar. Eyðublöð þess efnis má nálgast á blaðarekkum í forstofum. Ekki er alltaf hægt að koma til móts við allar óskir strax því það fer eftir fjölda barna, stöðugildum starfsfólks og stærð húsnæðis.

Uppsögn á leikskólaplássi þarf að vera skrifleg og verður að berast til skólastjóra með a.m.k. mánaðar fyrirvara. Uppsögn skal miðast við 1. eða 15. hvers mánaðar. Hægt er að nálgast uppsagnarblöð í blaðarekkum í forstofu.

Óhöpp og slys

Meðan á leikskóladvölinn stendur geta alltaf orðið óhöpp eða slys. Ef slíkt hendir er strax haft samband við foreldra og farið með barnið á Heilsugæslustöð Dalvíkur ef með þarf. Ef þörf er á fer starfsmaður með foreldri á heilsugæslustöðina. Leikskólinn greiðir fyrir fyrstu heimsókn en þurfi barnið áframhaldandi meðferð hjá lækni greiða foreldrar kostnaðinn eða tryggingar leikskólans og/eða heimilistryggingar foreldrar viðkomandi barns. Öll slys eru skráð í leikskólanum og sum slys eru skráð strax hjá tryggingafélagi sveitarfélagsins s.s. tannslýs eða meiðsl sem talið er að geti haft áhrif á barnið seinna meir.

Veikindi og frídagar

Leikskólinn er ætlaður frískum börnum. Verði barn veikt skal það dvelja heima þar til það hefur verið hitalaust í a.m.k. 1-2 daga eða þar til smithætta er liðin hjá og barnið tilbúið til að takast á við leikskólastarfið. Möguleiki er að hafa barnið inni 1-2 daga eftir langtíma veikindi. Sé barn ekki nægjanlega frískt til að vera úti skal það ekki koma í leikskólann nema með samþykki starfsfólks þ.e.a.s. að foreldrar hringi og athugi hvort barnið getur verið inni þann daginn. Það er ákvörðun starfsfólks með tilliti til starfsemi leikskólans hvort það gengur upp þann daginn.

Lyf eru ekki gefin í leikskólanum nema í sérstökum tilfellum og þá með skriflegum leiðbeiningum frá lækni.

Fatnaður

Leikskólinn er vinnustaður barnanna og því nauðsynlegt að þau komi í fötum sem sjá má á. Föt barnanna þurfa að vera þægileg svo auðvelt sé fyrir börnin að bjarga sér sjálf á salerni og svo þau myndri ekki hreyfingar þeirra. Aukafatnaður þarf alltaf að vera til

staðar í leikskólanum og eiga öll börnin merktar körfur á salernum fyrir aukaföt. Foreldrar eru hvattir til að kíkja reglulega í körfur barnanna en komi blaut/óhrein föt í taupokunum heim er líklegt að fylla þurfi á körfu barnsins strax daginn eftir.

Fatnaður til útiveru þarf að vera til staðar og í samræmi við veðurfar hvern dag.

Allur fatnaður þarf að vera greinilega merktur barninu. Ómerktur fatnaður er settur í körfur í forstofu. Fyrir jólin og á vorin eru körfurnar tæmdar og það sem körfurnar geyma er gefið til bágstaddra fjölskyldna. Fara þarf yfir fatahólf barnanna daglega og taka óhreinan og blautan fatnað með heim. Fatahólf skal tæma á föstudögum og vagnar teknir heim.

Gott er að börn hafi inniskó meðferðis en skór sem eru lausir á fæti henta ekki vel í leik og starfi. Reimar skal fjarlægja úr fatnaði barnanna af öryggisástæðum.

Fatalisti til útiveru:

Þetta er gott að hafa meðferðis í leikskólann

Snjógalli (vetur)

Stígvél

2 húfur - þunna og þykka

Pollagalli

2 vettlingapör

Kuldaskór (vetur)

Íþróttaskór/ léttir skór (sumar)

Þykk peysa - Þrjónapeysa/flíspeysa

Fatalisti í körfur barnanna

2 sokkapör

2 sokkabuxur

2 nærbolir

2 nærbuxur

2 bolir/léttar peysur

Inniskór

Leikföng

Börnin eiga ekki að koma með leikföng í skólann nema á sérstökum dótadögum. Börnin mega hafa með sér tengihluti s.s. bangsa fyrir hvíldina sé þörf á því en gott er ef þau geta haft einn tengihlut heima og annan í leikskólanum. Hafa ber í huga að tengihlutirnir er alfarið á ábyrgð barns og foreldris.

Starfsfólk ber ekki ábyrgð á þeim leikföngum sem barnið kemur með að heiman.

Heilsuleikskóli – hollur matur, hreyfing og hvíld

Við í Krílakoti leggjum áherslu á heilbrigði og erum á heilsubraut hjá samtökum um heilsuleikskóla. Við leggjum áherslu á heilbrigðan lífsstíl, hreyfingu, hollt mataræði og hvíld. Allur matur er eldaður á staðnum og er horft til lýðheilsustöðvar við gerð matseðla og vali á matvælum og uppskriftum. Reynt er að koma til móts við þarfir allra og séu börn á sérfæði vegna ofnæmis, lífsgilda eða trúar skal hafa samband við skólastjóra og fundað með matráði og gerð áætlun. Reynt er að samræma matseðla barna með sérþarfir s.s. tegund af mjólk eða öðrum matvælum sem allir mega fá. Matseðil er að finna á heimasíðu leikskólans. Í morgunmat er boðið uppá hafragraut, súrmjólk, kornmeti og mjólk. Ávextir eru í boði um miðjan morgun. Heit máltíð er í hádeginu og í síðdegishressingu er boðið upp á brauð, álegg, mjólk og vatn.

Til að börnin fái morgunverð þurfa þau að vera mætt fyrir klukkan 08:30

Hádegisverður er klukkan 11:15 á Skýjaborg, klukkan 11:30 á Sólkoti og Mánakoti og svo klukkan 12:00 á Kátakoti og Hólakoti.

Síðdegishressing er klukkan 14:30.

Séu börn með ofnæmi skal vottorð endurnýjað ár hvert eða oftar ef þörf er á.

Hreyfing og útivera er liður í starfi skólans og fara elstu börnin í íþrótt- og sundkennslu í Grunnskóla Dalvíkur auk þess sem dagleg útivera, útikennsla og hreyfing er liður í daglegu starfi skólans. Að hvíla sig er mikilvægt þegar hugað er að heilsunni. Öll börn í leikskólanum hvíla sig daglega og fer það eftir aldri barnann hversu lengi og hvort þau sofa eða hlusta á sögu með kennara sínum. Yngstu börnin sofa flest úti og þurfa þau börn að koma með vagn, hlýjan fatnað og góðan kerrupoka meðferðis. Skylda er að hafa beisli í vögnunum af öryggisástæðum. Þau börn sem sofa inni koma með kodda/svæfil. Á Mánakoti og Sólkoti koma börnin með kodda og teppi en á Kátakoti og Hólakoti nota börnin kodda og teppi sem til eru í leikskólanum.

Hefðir af ýmsu tagi

Við höldum uppá hina ýmsu daga hér í Krílakoti sem tengjast inn íslenska menningu og siði. Ef það eru einhverjir dagar sem foreldrar og börn frá öðrum löndum halda uppá með einhverjum hætti er gaman að fá fregnir af því og hver veit nema við getum haldið þá hátíðlega hjá okkur í Krílakoti. Endilega ræðið við starfsfólkið og segið þeim frá ykkar menningu og siðum. Ef það eru einhverjar hefðir sem foreldrar vilja ekki að börnin taki þátt í er mikilvægt að ræða við leikskólastjóra eða deildarstjóra og fara yfir málin. Við finnum ávallt leiðir til að allir getir verið þátttakendur í starfinu á sínum forsendum.

Afmæli

Við höldum uppá afmælisdag barnanna í leikskólanum. Börnin mála og skreyta kórónu í tilefni dagsins og í ávaxtastundinni er sunginn afmælissöngurinn og síðan fá þau að bjóða börnunum á deildinni uppá ávexti úr fallega skreytttri körfu. Að lokinni ávaxtastund fara þau með kennara sínum og flagga íslenska fánanum. Myndir frá deginum eru settar á heimasíðu leikskólans við fyrsta tækifæri.

Ekki er leyfilegt að setja boðskort í afmæli í hólf barnanna í leikskólanum. Foreldrar geta fengið lista hjá starfsfólki yfir nöfn barnanna á deildinni, símanúmer, heimilisföng og netföng.

Þorrablót

Við höldum þorrablót á Bóndadaginn ár hvert hér í Krílakoti. Börnin útbúa sér kórónu/hjálma og borða saman þorramat s.s. sviðasultu, hákarl, punga, hangikjöt, súrmat og fleira góðgæti. Á þessum degi eru sungnir íslenskir söngvar sem tengjast þorranum yfir borðhaldi og dagurinn gerður eftirminnilegur.

Bolludagur og Sprengidagur

Bolludagur og sprengidagur eru haldnir hátíðlegir. Bollur eru í öll mál á Bolludaginn og á sprengidaginn borðum við saltkjöt og baunir.

Öskudagur

Öskudagurinn er haldinn hátíðlegur í leikskólanum. Allir mæta í búningum bæði börn og starfsfólk. Það er sungið, marserað og kötturinn sleginn úr tunnunni/góðgætið (popp og saltstengur) slegið úr tunnunni/pokanum

Vetrarleikar

Eru haldnir í mars. Þá er útbúin braut í kirkjubrekkunni eða þar sem nægur snjór finnst og allir mæta með sleða eða þotu.

Sveitarstjóri Dalvíkurbyggðar setur leikana og rennir sér fyrstu ferðina. Síðan er tekið til óspilltra málanna við að renna sér þar til allir hafa fengið nóg. 5. bekk vinabekkur leikskólans kemur og aðstoðar okkur með börnin á leikunum og í lokinn er þeim afhent þakkarbréf frá leikskólanum..

Opin vika

Í maí ár hvert er opin vika í Krílakoti og þá er foreldrum sérstaklega boðið að heimsækja okkur og taka þátt í leik og starfi. Ekki er formleg dagskrá heldur foreldrar hvattir til að ganga milli stöðva og taka þátt í leiknum.

Skrúðganga á 17. júní

Síðasta virka dag fyrir 17. júní er gengið í skruðgöngu með íslenska fánann frá Krílakoti um Hólaveg að Ráðhúsi og kaupfélagi - stundum komið þar við og sungið, en endastöðin er Dalbær þar sem sungin eru sumar-og vorlög fyrir og með Dalbæingum.

Aðventan

Aðventan er áberandi í íslensku samfélagi og tökum við aðeins þátt í því. Við útbúum gjafir hand foreldrum, föndrum, lesum jólasögur og lærum um jólasveinana þrettán. Foreldrum er boðið í jólaföndur, ævintýraferð og á jólasöngfund á aðventunni. Foreldrafélagið heldur jólaball utan leikskólatíma í menningarhúsinu Bergi og kemur jólasveinn í heimsókn sem dansar og syngur með börnunum og fá þau öll gjafir frá jólasveininum.

Dagur leikskólans

Á degi leikskólans er opið hús í Krílakoti frá 14-16. Foreldrar koma með bakkelsi og er boðið uppá kaffi og kökur auk þess sem foreldrar geta rölt á milli deilda og tekið þátt í leiknum. Elstu börnin vinna verkefni og hengja upp í bænum eða taka upp myndband til að sína foreldrum.

Samstarf við aðra skóla

Krílakot er í samstarfi við Dalvíkurskóla og er vinabekkur Krílakots 5. bekkur skólans og tekur hann t.a.m. þátt í Vetrarleikunum. Einnig hafa krakkar frá 7. til 10. bekk komið í starfskynningar til að kynnst starfi leikskólans. Samstarf er við 1 bekk ár hvert og fara elstu börnin í heimsóknir í grunnskólann auk þess sem 1 bekkur heimsækir leikskólann. Stórnendur skóla í Dalvíkurbyggð hittast einu sinni í mánuði ásamt sviðsstjóra og sérfræðingi á fræðsluviði og fara yfir málefni skólanna, rekstur, framfarir og áskoranir.

Foreldraráð

Í foreldraráð er starfandi við skólann og sitja í ráðinu 3 foreldrar. Hlutverk foreldraráðs er að gefa umsagnir til leikskóla og fræðsluráðs um skólanámskrá og aðrar áætlanir sem varða starfsemi skólans. Einnig að fylgjast með framkvæmd skólanámskrár og annarra áætlana innan skólans og kynningu þeirra fyrir foreldrum. Foreldraráð hefur

umsagnarrétt um allar meiri háttar breytingar á skólastarfinu. Fulltrúar í foreldraráði eru kostnir á haustfundi leikskólans og eru í eitt ár í senn.

Foreldrafélag

Foreldrafélag er starfandi við skólann og sitja í ráðinu 5 foreldrar, eitt foreldri úr hverjum árgangi. Hér má sjá lög foreldrafélags Krílakots:

1. grein

Félagið heitir Foreldrafélag Krílakots

2. grein

Tilgangur félagsins er að:

- a) styrkja samstarf heimila og leikskóla
- b) styðja starfsemi leikskólans með ýmsum uppákomum
- c) stuðla að framkvæmd mála í þágu leikskólans

3. grein

Þegar barn byrjar á Krílakoti gerast foreldrar og/eða forráðamenn þess sjálfkrafa félagar í Foreldrafélagi Krílakots. Allir aðrir sem áhuga hafa geta orðið félagar.

4. grein

Upphæð félagsgjalda er ákveðin af fráfarandi stjórn félagsins árlega. Félagsgjöld eru innheimt með leikskólagjöldum í hverjum mánuði. Greitt er með hverju barni óháð barnafjölda á heimili.

5. grein

Stjórn félagsins er skipuð foreldrum og/eða forráðamönnum fimm barna í leikskólanum, eitt foreldri úr hverjum árgangi. Stjórnin skiptir með sér verkum og starfar í eitt ár í senn.

6. grein

Aðalfundur er haldinn að hausti ár hvert. Á honum skal:

- a) fráfarandi stjórn upplýsa um störf félagsins síðastliðið starfsár
- b) fara yfir lög foreldrafélagsins og gera lagabreytingar ef þess gerist þörf.
- c) tilkynna upphæð félagsgjalda
- d) mynda nýja stjórn félagsins

7. grein

Lög þessi öðlast þegar gildi.

Dalvík 4. September 2014.

Heimasíða

Á heimasíðu leikskólans, www.dalvik.is/krilakot, má finna hagnýtar upplýsingar um starfsemi skólans sem og fróðleik um þær stefnur og áherslur sem móta skólastarfið. Inn á síðu hvernar deildar eru settar inn fréttir af starfinu, myndir, fréttabréf og mánðarskrár.

Námfús

Skólinn notar upplýsinga- og skráningakerfið Námfús. Aðeins kennarar hafa aðgang að kerfinu eins og er en stefnt er að því að foreldrar fái aðgang að kerfinu haustið 2017

Lokaorð

Ágætu foreldrar/forráðamenn. Að loknum lestri þessa handbókar vakna eflaust margar spurningar um starfsemi leikskólans. Þar sem svona handbók gefur ekki tæmandi upplýsingar um starfsemi leikskólans hvetjum við foreldra til að afla sér frekari upplýsinga hjá starfsfólki og á heimasíðu leikskólans.

Við á Krílakoti leggjum áherslu á að veita börnunum umhyggju og hlýju, örvun og hvatningu í umhverfi sem þeim líður vel í og finna fyrir öryggi.

Eins og komið hefur fram í þessari handbók eru samskipti og samstarf foreldra og kennara afar mikilvægt. Og þegar vel tekst til má með sanni segja að leikskólastarfið sé góð viðbót við það uppeldi sem börnin fá á heimilum sínum.

Við hlökkum til samstarfsins bæði með ykkur foreldrum og gullmolunum ykkar.

Fyrir hönd starfsfólks,

Guðrún Halldóra Jóhannsdóttir leikskólastjóri

Ágústa Kristín Bjarnadóttir aðstoðarleikskólastjóri

23. mars 2017